

Z A P I S N I K

**sa Pete Radne sjednice Skupštine Kantona Sarajevo
održane u srijedu, 27.02.2019. godine sa početkom rada u 10,00 sati**

Predsjedavajući Elmedin Konaković (U daljem tekstu predsjedavajući) je pozdravio sve prisutne i otvorio Četvrtu Radnu sjednicu Skupštine Kantona Sarajevo. /HIMNA/

Prema evidenciji Službe, sjednici prisustvuje 28 zastupnika, što je dovoljan broj za punovažan rad i odlučivanje.

Izostanak sa sjednice opravdali su zastupnici: Amel Mekić, Sead Milavica, Vedran Jakupović. A kašnjenja su najavili: Mahir Dević i Amra Hasagić.

Sjednici su prisustvovali poslanici/zastupnici:

SDA - STRANKA DEMOKRATSKE AKCIJE

1. Jasmina Bišćević-Tokić
2. Samra Čosović-Hajdarević
3. Aljoša Čampara
4. Mirza Čelik
5. Mahir Dević
6. Amra Hasagić
7. Admela Hodžić
8. Smiljana Viteškić
9. Sabahudin Delalić
10. Smiljana Viteškić

POLITIČKA ORGANIZACIJA "NAROD I PRAVDA"

1. Elmedin Konaković
2. Danijela Kristić
3. Arijana Memić
4. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Elvis Vreto
4. Vibor Handžić
5. Damir Marjanović

SOCIJALDEMOKRATSKA PARTIJA BOSNE I HERCEGOVINE

1. Damir Nikšić
2. Srna Bajramović Srna
3. Igor Stojanović
4. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Zvonko Marić
3. Dževad Poturak
4. Bilsena Šahman

DEMOKRATSKA FRONTA

1. Bibija Kerla
2. Senad Hasanović

NEZAVISNA BOSANSKOHERCEGOVAČKA LISTA

1. Amra Junuzović-Kaljić
2. Fahrudin Pecikoza

BOSS

1. Haris Pleho

UTVRĐIVANJE DNEVNOG REDA SJEDNICE

Predsjedavajući je informisao da je Prijedlog dnevnog reda Pete Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 15.02.2019. godine.

Nadalje, predsjedavajući je informisao da je na osnovu člana 73. Poslovnika Skupštine Kolegij je 22.02.2019. godine prihvatio da se Prijedlog dnevnog reda 4. Radne sjednice, dopuni sa sljedećim tačkama:

- Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo; (razmatrat će se kao tačka 10.)
- Prijedlog odluke o izmjeni Odluke o davanju suglasnosti o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida; (razmatrat će se kao tačka 11.)
- Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo; (razmatrat će se kao tačka 12.)
- Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća:
 - a)"Rad" d.o.o. Sarajevo;
 - b)"Park" d.o.o. Sarajevo; (razmatrat će se kao tačka 13.)
- Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog preduzeća:
 - a)"ZOI 84" Olimpijski centar Sarajevo d.o.o. Sarajevo;
 - b)Preduzeće za gospodarenje državnim šumama "Sarajevo - šume" d.o.o. Sarajevo; (razmatrat će se kao tačka 14.)
- Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo; (razmatrat će se kao tačka 15.)
- Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća :
 - a)"Rad" d.o.o. Sarajevo;
 - b)"Park" d.o.o. Sarajevo; (razmatrat će se kao tačka 16.)
- Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog preduzeća:
 - a)"ZOI '84" Olimpijski centar d.o.o. Sarajevo;
 - b)Preduzeće za gospodarenje državnim šumama "Sarajevo-šume" d.o.o. Sarajevo; (razmatrat će se kao tačka 17.)
- Informacija o stanju uzrokovanim poplavama na području Kantona Sarajevo (razmatrat će se kao tačka 18.)

Prije usvajanja dnevnog reda javili su se zastupnici Mirza Čelik i Aljoša Čampara koji su izrazili svoje neslaganje sa uvrštavanjem određenih tačaka dnevnog reda bez da su ih je prije toga razmatrala radna tijela Skupštine, posebno Zakonodavno-pravna komisija.

Potom se javila zastupnica Amra Junuzović-Kaljić kao predsjedavajuća Komisije za privrede i finansije i iznijela stav Komisije po ovom pitanju. Zastupnik Samir Suljević je kao predsjedavajući Zakonodavno-pravne komisije također obrazložio stav Komisije po istom.

U diskusiji koja se otvorila po ovom pitanju učestvovali su zastupnici: *Aljoša Čampara, Samir Suljević, Zvonko Marić, Elmedin Konaković.*

Predsjedavajući je predložio sljedeći DNEVNI RED:

1. Poslanička/zastupnička pitanja, inicijative i odgovori;
2. a) Informacija o radu KJKP „GRAS“ d.o.o. Sarajevo;
b) Informacija o radu Uprave KJKP „Vodovod i kanalizacija“ d.o.o Sarajevo;
3. Prijedlog Zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo"-skraćeni postupak;
4. Prijedlog odluke o davanju saglasnosti na Program rada Javne ustanove „Služba za zapošljavanje Kantona Sarajevo“ Sarajevo za 2019. godinu;
5. Prijedlog odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2019. godinu sa Odlukom o izvršavanju Finansijskog plana Javne ustanove „Služba za zapošljavanje Kantona Sarajevo“ Sarajevo za 2019. godinu;
6. Prijedlog Odluke o davanju saglasnosti na Odluku o izmjeni i dopuni Statuta Javne ustanove Opća bolnica "Prim. dr. Abdulah Nakaš";
7. Prijedlog odluke o verifikaciji Odluke o spajanju javnih ustanova kulture u Javnu ustanovu "Bosanski kulturni centar Kantona Sarajevo"-Prečišćen tekst;
8. Prijedlog odluke o izmjeni Odluke o usklađivanju statusa Kantonalnog javnog komunalnog preduzeća za transport i distribuciju gasa "Sarajevogas" d.o.o. Sarajevo sa Zakonom o javnim preduzećima u Federaciji Bosne i Hercegovine;
9.
 - a. Prijedlog odluke o davanju Saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu Niz B, Lamela B 3,izgrađenog u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina;
 - b. Prijedlog odluke o davanju Saglasnosti na nacрте ugovora o kupoprodaji nekretnina-etažno vlasništvo stambeno-poslovnom objektu Niz B, Lamela B 2, izgrađenom u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina
10. Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo
11. Prijedlog odluke o izmjeni Odluke o davanju suglasnosti o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida;
12. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo;
13. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća:
 - a)"Rad" d.o.o. Sarajevo;
 - b)"Park" d.o.o. Sarajevo;
14. Prijedlog odluke o potvrđivanju razrješenja vršilaca dužnosti predsjednika i članova Skupštine Kantonalnog javnog preduzeća:
 - a)"ZOI 84" Olimpijski centar Sarajevo d.o.o. Sarajevo;
 - b)Preduzeće za gospodarenje državnim šumama "Sarajevo - šume" d.o.o. Sarajevo;

15. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo;
16. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća :
 - a) "Rad" d.o.o. Sarajevo;
 - b) "Park" d.o.o. Sarajevo;
17. Prijedlog odluke o potvrđivanju imenovanja vršilaca dužnosti predsjednika i članova Skupštine Kantonalnog javnog preduzeća:
 - a) "ZOI '84" Olimpijski centar d.o.o. Sarajevo;
 - b) Preduzeće za gospodarenje državnim šumama "Sarajevo-šume" d.o.o. Sarajevo;
18. Informacija o stanju uzrokovanim poplavama na području Kantona Sarajevo;
19. Izvještaj o poslovanju KJP Centar "Skenderija" d.o.o. Sarajevo za 2017. godinu;

ZASTUPNICI SU PRISTUPILI IZJAŠNJAVANJU O DNEVNOM REDU ZA PETU RADNU SJEDNICU I NAKON GLASANJA KONSTATOVANO JE DA JE SKUPŠTINA VEĆINOM GLASOVA (20 „ZA”, „PROTIV“ 8 I „SUZDRŽANIH“ 0) USVOJILA DNEVNI RED KAKO JE I PREDLOŽEN.

Zastupnicima su kao informativni materijal dostavljeni sljedeći:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec decembar 2018. godine;
- Izvještaj o korištenju sredstava Tekuće rezerve iz Budžeta Kantona Sarajevo za period od 01.07. do 31.12.2018. godine;
- Izvještaj o provođenju Zakona o državnoj službi u Kantonu Sarajevo u organima uprave i službama Kantona Sarajevo za 2018. godinu;
- Strategija upravljanja dugom Kantona Sarajevo 2018-2020. godina;

Predsjedavajući je podsjetio da je prije realizacije prve tačke dnevnog reda obavezno razmatranje Zapisnika sa Stenogramom sa Druge Radne i Treće hitne sjednice Skupštine Kantona Sarajevo, koji su zastupnicima dostavljeni uz poziv za sjednicu.

Prije izjašnjavanja o istima zastupnica Jasmina Bišćević-Tokić tražila je pauzu od pola sata u ime Kluba Stranke demokratske akcije. Nakon pauze, zastupnica je dala obrazloženje zahtjeva za pauzom, a potom je uslijedilo razmatranje i usvajanje zapisnika.

a)

Zastupnici su pristupili glasanju i nakon glasanja konstatovano je da je Skupština JEDNOGLASNO (29 „ZA”) potvrdila Zapisnik sa Druge radne sjednice sjednice Skupštine Kantona Sarajevo održane 26.12.2018.godine.

b)

Zastupnici su pristupili glasanju i nakon glasanja konstatovano je da je Skupština većinom glasova (24 „ZA”, 2 „SUZDRŽANIH”) potvrdila Zapisnik sa Treće Hitne sjednice Skupštine Kantona Sarajevo održane 26.12.2018.godine.

U 11,23 sati uslijedila je realizacija prve tačke dnevnog reda.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnička pitanja postavili su *Dževad Poturak, Mirza Čelik, Elvedin Okerić, Senad Hasanović, Amra Junuzović-Kaljić, Damir Marjanović, Danijela Kristić, Bibija Kerla, Samir Suljević, Admela Hodžić, Neira Dizdarević, Vildana Bešlija, Haris Pleho, Bilsena Šahman, Zvonko Marić, Segmedina Srna Bajramović, Jasna Duraković, Arijana Memić, Jasmina Bišćević-Tokić, Damir Nikšić, Hamed Aljović, Elvis Vreto, Igor Stojanović i Elmedin Konaković.*

Zastupnik Dževad Poturak postavio je jedno zastupničko pitanje i uputio dvije inicijative:

„Za danas imam jedno pitanje i dvije inicijative. Prvo pitanje, radi se o psima lualicama. Prošli saziv Vlade i Skupštine Kantona Sarajevo ulagao je puno truda na rješavanju problema pasa lualica, podsjećam da je KS čak kupio azil u Prači. Bilo je puno informacija oko tužbi oštećenih građana zbog ujeda pasa, nanošenja tjelesnih povreda i slično. Tražim od Ministarstva komunalne privrede i infrastrukture KS, odnosno ministra, koji su prema mojim informacijama vodili ove aktivnosti, da za sada obavijeste građane i da nam prezentirate navedene informacije. Također tražim da nam u pisanoj formi pripremite i odgovorite, da li je ovaj problem stavljen pod kontrolu, šta se dešava sa azilom u Prači? Da li je otpočeo sa radom, ko njime upravlja, kakve su štete nastupile eventualno po Kanton Sarajevo zbog napada i ujeda pasa lualica?

Moja prva inicijativa jeste da se pripremi prijedlog rješenja za kažnjavanje govora mržnje, neprimjerenog ponašanja kroz elektronske medije, tačnije portale i društvene mreže. Obrazloženje: svjedoci smo nezapamćene i potpuno neprimjerene retorike pa slobodan sam reći i mržnje koja se iskazuje putem društvenih mreža, i web adresa. Jasno je kakav to ima uticaj na društvo, omladinu i zato pokrećem inicijativu da nam Vlada Kantona Sarajevo putem Ministarstva pravde i uprave, putem Ministarstva za obrazovanje i mlade, Ministarstva MUP-a ponude prijedlog preventivnih i represivnih aktivnosti i mjera na zaustavljanju govora mržnje i neprimjerenih sadržaja na društvenim mrežama i portalima. Moje mišljenje je da se ovo društveno zlo mora zaustaviti, da je neophodno više preventivno raditi sa mladima ali i kažnjavati tako gdje je to neophodno.

Moja druga inicijativa jeste da svjedoci smo, pa naravno piše i u medijima da je Sarajevo postalo odredište za veliki broj migranata iz Sirije i drugih zemalja. Jučer čitam iz medija kako su novi autobusi migranata prebačeni iz USK u centar Ušivak u Hadžićima. Prvo poštujem brigu o stradalnicima jer su i bh izbjeglice bile u periodu 92-95 širom svijeta, ali nije Sarajevo jedino dužno da zbrinjava migrante. Zato pokrećem inicijativu da ministar Garibija predloži Vladi i Skupštini jedan plan i strategiju u saradnji sa državnim Ministarstvom kako će se ova pitanja rješavati u budućnosti. Niko ne zna ni broj ni raspored migranata u BIH, ni ko ih hrani, liječi. Da li su to državne institucije ili nevladine organizacije ili mešetari ili možda neke kriminalne grupe. Mi smo vlast, dužni smo štiti svoje građane i strance na našoj teritoriji, zato tražim službenu informaciju, inicijativu kako ćemo staviti pod kontrolu ovo važno pitanje. Znači tražim prijedlog rješenja da se ponudi u roku od 30 dana, a ako ne u ovom roku onda da se u Skupštini ponudi drugo rješenje do kraja marta kojim bi se ovaj problem riješio ili ublažio.“

Zastupnik Mirza Čelik uputio je dvije zastupničke inicijative:

„Ja ću imati dvije inicijative koje ću danas pročitati a nekoliko sam već dostavio u Stručnu službu. Problematika vodozaštitne zone na području općine Ilidža je već odavno gorući problem Kantona Sarajevo i ova Skupština i Vlada mora se ozbiljnije baviti tim pitanjem. Pitanje vodozaštitne zone je složen problem i može se posmatrati sa više stajališta kao što je pitanje zagađenosti, održavanja i granice obuhvata donošenjem ove Odluke zaštita izvorišta i dr.

Ovom prilikom ističem problematiku otkupa zemljišta u Vodozaštitnoj zoni. Naime Kanton Sarajevo je u obavezi da vrši otkup zemljišta od vlasnika čije se zemljište nalazi u obuhvatu vodozaštitnih zona. Samo u zaštitnoj zoni Sokolovići u kojoj je do sada najmanje vršeno

otkupljivanje ima preko 150 hektara zemljišta koje je neophodno otkupiti ukoliko se želi zadržati vodozaštitna zona. U posljednje vrijeme niti su izdvajana sredstva niti je vršen otkup zemljišta na kompletnoj zoni, a posebno u dijelu vodozaštitne zone Sokolovići. Zato predlažem da ova Vlada u Budžetu za ovu godinu prilikom rebalansa izdvoji 15 miliona KM kako bi se moglo pristupiti otkupu zemljišta na ovom lokalitetu te da se zaduže nadležne institucije VIK-a i Ministarstva da pristupe realizaciji navedenog pitanja. A svakako pozivam Općinsko vijeće Ilidža da donese zaključke vezano za obuhvat vodozaštitnih zona i za otkup zemljišta i da dostavi u pismenoj formi Skupštini kako bi u program rada usvojili i samu jednu tematsku sjednicu a tiče se vodozaštitne zone.

Druga zastupnička inicijativa, neću obrazložiti pošto nemam vremena, možete li potvrditi da je direktor JU BKC bio u sukobu interesa kada je u svojstvu direktora organizirao manifestaciju Knjiga u nišama u okviru koje su učestvovali izdavačke kuće Sinopsis, Dobra knjiga, Bajbuk i druge a koje su ujedno bile i korisnice Fonda za bibliotечku djelatnost FBIH, na čijem je čelu predsjednik Kukavica Edin u 2018 primivši grantove u iznosu od 12 do 16.000 KM.“

Zastupnik Elvedin Okerić pokrenuo je jednu zastupničku inicijativu:

„Podnosim inicijativu prema ministru MUP-a i komesaru Uprave policije Kantona Sarajevo da u skladu sa svojim nadležnostima adekvatno nagrade policijske službenike koji su direktno učestvovali i doprinijeli da se uhvati višestruki ubica Edin Gačić opasan po sigurnost građana. Obrazloženje:

Posao policajca je jedan od najčasnijih, najtežih i najzahtjevnijih poslova koji iziskuju svakodnevnu psihofizičku spremnost, te prihvatanje rizika koji nekad može biti koban za njih same. Policijski službenici moraju biti adekvatno motivisani kako bi mogli odgovoriti najtežim zadacima pa i kad im je život ugrožen. To ćemo postići prvenstveno pravičnim postupanjem prema njima a i adekvatnom reakcijom koja će biti pokazatelj zaštite, brige i zahvalnosti sistema za njihov rad i trud. Ne zaboravimo da u momentu dok je ubica Edin Gačić bio na slobodi bili smo spremni sve dati da se samo uhvati. Kako su ovi hrabri momci uspješno realizovali zadatak pronalaska ubice ne smijemo zaboraviti, već smatram da se trebaju što prije nagraditi najvećim priznanjem zbog njih samih a i zbog motivacije drugih kolega koji moraju vidjeti da se danas ipak isplati hrabar biti.“

Zastupnik Senad Hasanović postavio je dva zastupnička pitanja i pokrenuo dvije inicijative:

„Za ovu sjednicu imam dvije inicijative i dva pitanja. Pokrećem inicijativu da MUP Kantona Sarajevo u saradnji sa nadležnim agencijama pristupi formiranju specijalističkog odjeljenja a obuku pasa tragača i vodiča pasa tragača, te iste nakon neophodnih pripremnih radnji stavi na raspolaganje policijskim strukturama Kantona Sarajevo. Obrazloženje: upotreba pasa za otkrivanje i praćenje tragova mirisa predstavlja najstariju vrstu upotrebe ovih životinja. Prema naučnim saznanjima i iskustvima iz policijske prakse psi tragači se mogu upotrijebiti za identifikaciju lica čiji je trag pronađen i praćenje pravca bjekstva lica za kojim se traga. Pronalaženje leševa skrivenih ili odbačenih predmeta koji se mogu dovesti u vezu sa izvršenjem krivičnih djela. Poznate su primjene ovakvih pasa prilikom potrage za diverzantsko-terorističkim grupama u svim terenskim uslovima. Sagledavajući nedavne događaje u Kantonu Sarajevo među kojima su na žalost i ubistva policajaca kao i rastući rizik od priliva lica u BiH i Kantonu Sarajevo koji bi mogli predstavljati pored ostalog i sigurnosnu prijetnju, smatram da postojanje ovakve jedinice u sastavu MUP-a Kantona Sarajevo ima svoju svrhu i opravdanje.

Drugu inicijativu pokrećem prema Ministarstvu kulture i sporta Kantona Sarajevo da pruži podršku ideji za organiziranje državnog prvenstva BiH u takmičenju snage, poznatije kao “strong man”. Obrazloženje idejni začetnik organiziranja “Strong man” je Nedžmin Ambešković, državni prvak Švedske u ovom takmičenju. Organiziranje ovakvog takmičenja u

Sarajevu pored toga što ne predstavlja finansijski zahtjevan korak može predstavljati i začetak i regionalnog takmičenja za koje bi sasvim sigurno bila zainteresirana i šira javnost, što bi pored sportske dimenzije sigurno obogatilo i turističku ponudu Kantona Sarajevo. S obzirom da se radi o jako atraktivnom takmičenju koje ima svoje poklonike, kako u Sarajevu i BIH, tako i širom regiona, smatramo da bi pomenuto prvenstvo značajno upotpunilo ponudu sportskih sadržaja u Kantonu Sarajevo. U prilog inicijative dostavljam kontakt podatke inicijatora i kratak opis takmičenja. Pokušat ću postaviti još jedno pitanje s obzirom na vrijeme: Pod kojim uslovima pružanje i naplate usluga izdata privremena dozvola za obavljanje javnog gradskog prevoza u Opštini Stari Grad i to firmi Centrotrans te da li je navedena firma obavezna omogućiti građanima kupovinu mjesečnih pretplatnih karata pod istim uslovima kao i prethodni prevoznik, odnosno Gras. Obrazloženje: u Općini Stari Grad izdavanjem privremene dozvole u obavljanju javnog gradskog prevoza riješen je veliki problem građana. Pitanje se odnosi na vrstu mjesečnih karata koje Centrotrans prodaje građanima a prije svega za mjesečne karte za nezaposlene osobe. Navedene vrstu karte CTS je izdavao u početku svog poslovanja da bi iznenada prestao prodavati ovu vrstu mjesečnih karata. Obzirom da je prethodni prevoznik Gras u svojoj ponudi imao ovu vrstu mjesečnih karata, postavlja se pitanje da li je s obzirom da obavljaju istu uslugu gradskog prevoza firma CTS dužna građanima omogućiti da kupe ovakvu vrstu karte?“

Zastupnik Amra Junuzović-Kaljić podnijela je zastupničku inicijativu:

„Kratko ću ovo je inicijativa koja je označena kao rekonstrukcija i modernizacija tramvajske pruge u Sarajevu i dijelu od „S krivine” kod hotela Holidej do Ilidže, prema Ministarstvu saobraćaja. Obrazloženje je sljedeće. Na dijelovima tramvajske pruge od Marin dvora odnosno „S krivine” do stare pravoslavne crkve na Bašaršiji izvršena je rekonstrukcija 2005 godine. Od crkve do Marin dvora 2011. dakle tramvajska pruga od Marin dvora do Ilidže nije rekonstruisana u poslijeratnom periodu i na dijelovima te pruge tramvaji voze veoma sporo radi nesigurnosti iste. Stoga se predlaže Ministarstvu saobraćaja da u skladu sa raspoloživim sredstvima, a bez obzira na planiranu sanaciju i reorganizaciju KJKP Gras doo Sarajevo krene u rekonstrukciju tramvajske pruge u oba pravca koja može služiti i najmodernijim tramvajima. Kroz središnji dio pruge se može planirati asfaltiranje tog pojasa što se može iskoristiti za saobraćaj vozila posebne namjene, npr hitna pomoć, vatrogasna služba, policija pa i taksi služba itd čime bi se rasteretile postojeće saobraćajnice. Sve bi to imalo veliki značaj za grad, za Kanton, obzirom i na nemogućnost proširenja saobraćajnica na putu od općine Novi Grad ka Ilidži radi neplanske gradnje neposredno uz saobraćajnicu.“

Zastupnik Damir Marjanović postavio je dva zastupnička pitanja i uputio jednu inicijativu:

„Danas ću postaviti dva pitanja i pokrenut jednu inicijativu. Prvo pitanje se odnosi na JU Djeca Sarajeva.

Želim da provjerim da li je tačna informacija da Javna ustanova Djeca Sarajeva od kako postoji, od kako je Kanton Sarajevo preuzeo svoje nadležnosti nad njima kao osnivač, nije imala priliku da uđe u posjed ili da stavi na raspolaganje svih 59 objekata, kako je zapisano da ona treba da kontrolira, i to iz razloga da veliki broj tih objekata nikada nisu *de facto* postali i vlasnici zato što nisu riješeni imovinski procesi ili da se nezakonito možda, ili zakonito, ne znam na koji način koriste od različitih privatnih, javnih pa čak i internacionalnih institucija. S tim u vezi izuzetno me zanima i interesuje na koji način pojedini objekti ove JU poput koriste se od strane internacionalnih javnih organizacija poput Francuske, Austrijske, Kineske i Njemačke ambasade?

Također tražim da mi se dostavi sva dokumentacija i o stanju devastiranih, neuslovnih i neuknjiženih objekata kojima upravlja JU Djeca Sarajeva, koji bi trebali biti detaljno analizirani na sljedećoj sjednici Komisije za obrazovanje i nauku. Razlog je vrlo jednostavan. Preko 800 djece se trenutno nalazi na listi čekanja a svi smo dobro upoznati sa problemima u predškolskom

odgoju i obrazovanju i nepostojanje određenih kapaciteta. Stoga i neke informacije koje sam čuo, posebno o objektima koji ili nisu u funkciji ili koriste treće osobe, su me poprilično iznenadile. Drugo pitanje, normalno ovo prvo pitanje prema Vladi Kantona Sarajevo Ministarstvu obrazovanja, nauke i mladih Kantona Sarajevo i normalno prema menadžmentu JU Djeca Sarajeva.

Drugo pitanje je opet prema Ministarstvu obrazovanja nauke i mladih Kantona Sarajevo ali ujedno i UNSA. Da li je tačno da institucionalna akreditacija Univerziteta u Sarajevu koju je dodijelila Agencija za razvoj visokog obrazovanja i osiguranje kvaliteta Bosne i Hercegovine ističe u drugoj polovini 2019 godine? I da li je UNSA spreman za ono što slijedi nakon toga kada istekne. Da pojasnim, izuzetno sam upoznat sa ingerencijama Kantonalnog ministarstva i onog što UNSA može da uradi po ovom pitanju i znam da problem isticanja akreditacije ne možemo da tražimo na kantonalnom nivou, ili eventualno UNSA i ta j problem je na državnom nivou zato što ljudi koji su tamo neodgovorni i ne rade svoj posao, a i političke je prirode problem. I na neki način reflektira se ono što se dešava na relaciji RS-Država i određene ingerencije ministarstava. Ali mislim da Ministarstvo za obrazovanje i UNSA moraju da se pripreme na momenat kada bude istekla ta akreditacija jer postoje određene naznake da će pojedine zemlje iz regiona koje su članice EU insistirati vrlo brzo da se diplome iz BIH zbog nefunkcionalnosti Agencije za akreditaciju ne priznaju na europskom tržištu i to ne zato što su zabrinute za kvalitetu nastave nego zato što jednostavno hoće da nam odvedu djecu iz BIH, da postanu njihovi studenti. Jedan od prijedloga koji bih sugerirao svojim kolegama a i kolegama iz Ministarstva da KS i UNSA razmotre čak opciju ako se ne riješi to u nekom narednom periodu eventualno aplikacije za neku internacionalnu akreditaciju. Možda Austriju ili neke druge zemlje EU.

I na kraju inicijativa, Da se po što hitnijoj, opet nemojte mi zamjeriti ministrice, opet prema Ministarstvu obrazovanja, nauke i mladih Kantona Sarajevo, ovo vama ide u korist, da se po što hitnijoj proceduri pokrenu aktivnosti na popunjavanju radnih mjesta u Ministarstvu obrazovanja, nauke i mladih Kantona Sarajevo, koje je prema trenutnoj sistematizaciji radi sa 47% kapaciteta tj uposlenika. Veliki je posao pred ovim ljudima, ispod 50% ljudi po sistematizaciji tamo radi, mislim da im se treba pomoći što prije.“

Dopredsjedavajuća Danijela Kristić postavila je dva zastupnička pitanja i dvije inicijative:

„Ja imam dvije inicijative i dva zastupnička pitanja. Ovim putem inicijativu da se lijekovi grupe inhibitora protonske pumpe i H” blokatori stave na Esencijalnu listu bez vremenskog ograničenja za dijalizne i transplantirane pacijente koji propisanom terapijom ovlaštenog doktora moraju piti navedeni lijek duže od dva mjeseca. Obrazloženje: trenutno su navedeni lijekovi na Esencijalnoj listi sa ograničenjem od dva mjeseca. Kada su u pitanju lijekovi dijalizni i transplantirani pacijenti ne mogu sebi dozvoliti reduciranje ili neredovno uzimanje terapije kao što je u ovom slučaju za KS stavljeno ograničenje od dva mjeseca za grupu lijekova inhibitora protonske pumpe i H2 blokatora kojima su trenutno obuhvaćeni svi pacijenti. Druga inicijativa, ovim putem podnosim inicijativu za refundiranje troškova prevoza onih pacijenata koji pri odlasku na dijalizu koriste vlastiti prevoz kao što je regulisano u drugim kantonima. Obrazloženje: u Kantonu Sarajevo ima 325 pacijenata koji idu na hemodijalizu. Uslugu prevoza sa hitnom pomoći prošli mjesec je koristilo 220 pacijenata, dok je ostalih 105 pacijenata na hemodijalizu odlazilo svojim privatnim automobilima. Dok u ostalim kantonima pacijenti koji idu na hemodijalizu privatnim automobilima refundiraju te troškove preko blagajne DZ, jer njima prevoz pacijenata na hemodijalizu vrši DZ. Obzirom da je taj dio uređen u drugim kantonima smatram da uz malo dobre volje se može naći modus rješenja i KS te da bi ovim gestom bar malo olakšali onako težak položaj te populacije.

Zastupničko pitanje prema KCUS: koliko je u 2017 i 2018 godini u KC urađeno transplantacija bubrega? Od toliko, koliko je bilo kadaveričnih transplantacija a koliko transplantacija sa živih

donora? Broj uspješnih kadeveričnih transplantacija, broj uspješnih transplantacija sa živih donora i broj transplantacija sa smrtnim ishodom.

I zastupničko pitanje za Službu za zapošljavanje: Molim vas da mi dostavite spisak pravnih lica kojima je odobreno upošljavanje uposlenika putem programa sufinansiranja putem Službe za zapošljavanje KS za period 2017 i 2018 godine. Također da li imate informaciju koliko je uposlenika koji su uposleni ovim programima ostalo raditi nakon završenog programa sufinansiranja.“

Zastupnik Bibija Kerla je postavila zastupnička pitanja:

„Ja imam par pitanja. Prvo pitanje danas za Ministarstvo obrazovanja nauku i kulturu mladih Kantona Sarajevo. Da li su članovi 174. stav 4) i 175. stav 5) Zakona o srednjem obrazovanju kantona Sarajevo, kojima se za sekretare srednjih škola propisuje novčana kazna do 1.000 KM u skladu sa ostalim članovima istog zakona? I po kom pravnom osnovu su sekretari škola odgovorni prekršajno za teže prekršaje navedene u članu 174. istog zakona, iako su prema istom zakonu ti poslovi za koje je predviđeno plaćanje prekršajne kazne u isključivoj nadležnosti direktora škole i nisu u opisu poslova sekretara škole?

Obrazloženje: ovakvom odredbom zakona o srednjem obrazovanju sekretari srednjih škola stavljeni su u nepovoljni i diskriminirajući položaj u odnosu na sekretera organa uprave, opštinskog vijeća, gradskih vijeća koji ne podliježu obavezi plaćanja novčane kazne za prekršaje. Imam jedno pitanje za premijera Kantona Sarajevo da li je isplaćena nagrada od 50.000 KM od Vlade Kantona Sarajevo raspisane za dojavu o kretanju Edina Gačića koji je ubijen prilikom policijske intervencije? Obrazloženje: Vlada Kantona Sarajevo na jednoj od svojih sjednica je donijela odluku o prijedlogu za dodjelu nagrade u iznosu od 50.000 KM za informaciju o kretanju Edina Gačića. Koliko znam javio se mladić koji tvrdi da je na osnovu njegove informacije imenovan i otkriven ubica. Da li će obećana nagrada biti isplaćena ili će to samo ostati na obećanjima a ne bi mi bilo drago da to bude tako jer se bojim da se onda ne okrenemo kriminalcima a ne policiji i onima koji drže red u našem Kantonu.

Imam jedno pitanje za Ministarstvo odnosno za Vladu Kantona Sarajevo, koja Ministarstva su zadužena za izradu izgradnje strategija obdaništa, osnovnih i srednjih škola? Obrazloženje u zadnjih 20 godina, odnosno u poslijeratnom periodu imamo veoma velikih problema oko toga da je mortalitet u odnosu na natalitet u porastu. Veliki broj stanovništva napušta BIH pa samim tim i KS. Pa me interesuje da li i koje Ministarstvo Kantona Sarajevo radi na izradi ove strategije. Molim usmeni odgovor na sve ovo, a i pismeni.“

Zastupnik Samir Suljević je uputio jednu zastupničku inicijativu:

„Imam zastupničku inicijativu Vladi Kantona Sarajevo, odnosno Ministarstvu za boračka pitanja Kantona Sarajevo. Da se na brdu Žuč, uži lokalitet Golog brda, izgradi spomen obilježje i izvrši uređenje lokacije na kojoj je 27.jula 1993.godine u odbrani grada poginulo 18 pripadnika specijalne jedinice MUP-a RBIH. 26 godina nakon tog događaja na navedenoj lokaciji nema postavljenog spomen obilježja a i sam lokalitet je neuređen i na obilježavanjima preživjelim veteranima i gostima predstavlja problem. Obrazloženje: brdo Žuč je postalo sinonim za oslobađanje grada Sarajeva od agresije u čemu su i pored ostalih učestvovali specijalci Odreda Bosna zajedno sa Prvom slavnom 111. viteškom brigadom Prvog korpusa ARBIH. 27. jula 1993. godine 18 pripadnika specijalne policije MUP-a BIH dalo je svoje živote u odbrani BIH, i svih njenih naroda i građana. Časna borba, hrabrost i uvježbanost bile su njihove osobine, a odbrana BIH u to teško vrijeme uzvišeni zadatak.“

Zastupnik Admela Hodžić postavila je dva zastupnička pitanja i uputila jednu inicijativu:

„Ja imam dva pitanja i jednu inicijativu. Kolega Poturak je već pitao za migrante, problem migracije u Kantonu Sarajevo. Taj problem nije u Kantonu Sarajevo, taj problem je prepušten Općini Hadžića i Centru Ušivak. Moje pitanje glasi za Vladu Kantona Sarajevo zašto nije ništa

preduzeto kada je najavljeno 250 migranata koji treba da se vrate u Ušivak. Najavljeno je u tom kontekstu kao da smo ih mi poslali iz Ušivaka pa nam ih oni vraćaju i niko se nije oglasio po tom pitanju. I da li će Vlada Kantona Sarajevo donijeti neku strategiju i plan rješavanja ove migrantske krize da to ne bude samo prepušteno Općini Hadžića. Drugo moje pitanje upućeno ministrici zdravstva Kantona Sarajevo. Molim gospođu Amelu Sofić da mi u zakonom predviđenom roku dostavi odgovor u pisanoj formi a pitanje koje se odnosi na nedostatak doktora u JU Zavod za zaštitu žena i materinstava Kantona Sarajevo, lokalitet Hadžići. Kada će pacijentice koje su početkom februara ostale bez doktorice ginekologije i akušerstva u Hadžićima dobiti odgovarajuću zamjenu? Na osnovu čega je donesena ovakva odluka i do kada će ovakvo stanje trajati? Obrazloženje: doktorica koja je radila u Hadžićima dobila je premještaj u Saraj polje ali ni do danas nije došla doktorica ili doktor koji bi preuzeli njene pacijentice. Pitaju da li je moralno i etički prvo premjestiti doktoricu pa onda tražiti zamjenu i do kada će ta potraga trajati? Trenutno radi jedan doktor ginekologije te je zbog toga velika gužva i dugo se čeka na pregled. A na stranici Zavoda još uvijek stoji radno vrijeme za prvu i drugu smjenu. Morate imati u vidu da broj pacijenata nije smanjen da bi se broj ljekara smanjivao, kao i to da u toj čekaonici sjede najteži onkološki pacijenti i po nekoliko sati čekaju na pregled. Moja inicijativa, podnosim inicijativu Ministarstvu privrede Kantona Sarajevo za izdvajanje sredstava i regulaciju toka rijeke Zujevine u mjestu Pazarić u dužini oko 900 metara, na području gdje svake sezone kiša u proljeće i jesen dolazi do izlivanja rijeke i poplava što prouzrokuje ogromnu materijalnu štetu i ugrožava ljudske živote stanovnika tog područja. Potrebno je za sanaciju izdvojiti oko 1 milion KM.“

Zastupnik Neira Dizdarević postavila je dva zastupnička pitanja i uputila dvije inicijative:

„Ja za danas ću delegirati dvije inicijative i dva pitanja. Moja prva inicijativa vezana je ustvari za Zakon koji upravo razmatramo danas na sjednici, a to je Zakon o objavljivanju propisa i drugih općih akata u Službenim novinama Kantona Sarajevo. Tako da podnosim inicijativu prema Ministarstvu pravde i uprave Kantona Sarajevo da pristupi potrebnim aktivnostima kako bi se građanima omogućio slobodan i besplatan, bez naknade, pristup on line svim aktima koje Kanton Sarajevo i njegovi organi objavljuju u Službenim novinama. Dakle, navedena inicijativa ima naravno za cilj povećanje transparentnosti rada organa Kantona Sarajevo kao i mogućnost praćenja i kontrole njihovog rada. U prilog navedenog ističem praksu TK koji je arhivu Službenih novina omogućio dostupnom svojim građanima on line bez naknade. Moja druga zastupnička inicijativa ustvari naslanja se na inicijativu koju sam već pokrenula na prethodnoj sjednici 30.01. a to je ujedno i inicijativa općinske vijećnice Naše stranke, Amele Topuz, a radi se o rekonstrukciji mosta u Halilovićima. Ja danas ponovo apeliram na nadležno Ministarstvo da zaista pristupi krajnje ozbiljno ovoj situaciji zato što je sada već ta situacija alarmantna. Dakle, radi se o mostu o mostu u Halilovićima između kompanije Comtrade i FIS. I također u prilogu dostavljam fotografije sa lica mjesta od jutros gdje ćete vidjeti dakle da je samo pitanje vremena kada se neki nesretan slučaj ovdje može dogoditi. Zastupničko pitanje koje upućujem Ministarstvu zdravstva Kantona Sarajevo vezano je za inicijativu koju je u prethodnom mandatu dosta potencirala Naša stranka, i čak je naravno pokrenula inicijativu za izmjenu predmetne odluke o refundaciji troškova za medicinski potpomognutu oplodnju. Podsjećanja radi, našom inicijativom i intervencijom, dobna granica za žene se pomakla na 40 godina, gdje se dakle refundiraju dva pokušaja vantjelesne oplodnje. Naravno smatramo da to nije dovoljno jer statistike pokazuju da vantjelesna oplodnja često bude uspješna tek nakon pet ili šest pokušaja i na tome ćemo naravno raditi i u narednom periodu, ali da bi smo pristupili tim aktivnostima, potrebna je jedna sveobuhvatna analiza, pa ja molim Ministarstvo da mi dostavi odgovor da li raspolaže podacima o broju izvršenih postupaka vantjelesne oplodnje i uspješnosti istih u Kantonu Sarajevo. Dakle, KC i privatne klinike za period 2015-2018, kao i broju prijevremeno i terminski rođenih beba nakon vantjelesne oplodnje. Molim za informaciju od strane ZZO o broju korisnika prava na refundaciju po osnovu Odluke o refundaciji, te da li KCUS raspolaže

potrebnom opremom i resursima za zbrinjavanje trudnoća i novorođenčadi nakon vantjelesne oplodnje, odnosno općenito djece u viskom riziku? Da li je izvjesno da će se potrebe za zbrinjavanjem rizične djece povećati ukoliko i drugi kantoni usvoje slične odluke o finansiranju vantjelesne oplodnje. I naredno pitanje također za Ministarstvo zdravstva. S obzirom da je to moja inicijativa iz 2016 godine, stomatološke usluge za djecu sa poteškoćama, opet sam dobila informaciju od roditelja da postoje neke poteškoće u pružanju ovih usluga na Stomatološkoj klinici, čak da se pružaju samo jedan dan u sedmici, pa molim za odgovor da li je ovo tačno i ukoliko ima ovih problema, šta je uzrok i kako ih riješiti?“

Zastupnik Vildana Bešlija uputila je pet zastupničkih inicijativa:

„Ja imam pet inicijativa. Pokušat ću onako malo brže pročitati, ali i ako ne uspijem sve pročitati, svakako ih dostavljam u pismenoj formi, i na sve postavljene inicijative bih zamolila pismeni odgovor.

Prva inicijativa se upućuje Vladi Kantona Sarajevo a odnosi se na Izmjenu i dopunu Uredbe o uređenju i održavanju zelenih i rekreativnih površina u Kantonu Sarajevo. I to konkretno na član 20. ove Uredbe. Trenutno ukoliko je sportska sprava primjera radi na Vilsonovom šetalištu i na nekoj drugoj lokaciji neispravna za korištenje, građani, pogotovo djeca, ukoliko to sami ne procijene, nisu upoznati s tom činjenicom jer ni na koji način nisu obaviješteni i vrlo lako se može naći u direktnoj fizičkoj opasnosti. Zbog toga je neophodno da se na osnovu zvaničnog mišljenja komisije, koju regulište ova Uredba, a prije dovodenja u ponovnu funkciju ili prije uklanjanja neispravnih dječijih sprava i rekvizita za igru djece, sportskih rekvizita i zaštitnih ograda nadležno KP jasno označi sve neispravne sprave i rekvizite i tako smanji mogućnost fizičke opasnosti. Predlažem izmjenu i dopunu člana 20. kojim bi se jasno definisali načini djelovanja u ovim situacijama, jer to trenutno nije slučaj. Imamo neki period u trajanju od možda 7 ili 8 dana u kojim se samo navodi da se ta sprava treba dovesti u ispravno stanje ili ukloniti a nema označavanja u tom periodu znaka opasnosti.

Druga inicijativa nju upućujem Ministarstvu komunalne privrede i infrastrukture. Odnosi na da se izvrši nadzor nad provođenjem članova 16. i 23. iste uredbe o uređenju i održavanju zelenih i rekreativnih površina u Kantonu Sarajevo, kojima je regulisano postavljanje i održavanje informativnih panoa na dječjim, sportskim i postojećim igralištima. Također, molim da se dostavi i informacija o sprovedenom nadzoru, i to na način da se dostavi:

- a) naziv dječjeg/sportskog igrališta;
- b) lokacija dječjeg/sportskog igrališta (općina i tačna lokacija);
- c) investitor;
- d) izvršitelj
- e) nadležno komunalno preduzeće kome je dječje/sportsko igralište dato na održavanje.”

radova;

Ne treba posebno spominjati da vrlo brzo ide lijepo vrijeme i pogotovo će biti još više korištena ta dječja igrališta. Ono što je sporno ovdje što sam ja uočila da zaista nisam vidjela da su ili u manjem broju a sigurno nisu sva dječja igrališta propisno obilježena sa informativnom tablom na kojoj se nalaze potrebne informacije kako postupiti u nekim neželjenim situacija i tako da smatram neophodnim da se ovi informativni panoi redovno postavljaju i održavaju, kako se više nikada ne bi ponovio slučaj tragično poginulog 12-godišnjeg dječaka na sportskom igralištu na Dobrinji gdje se dani nakon pokušavalo doći do odgovornih i nije se znalo da li je igralište u vlasništvu općine i pod upravom JP Lokom ili je za njega odgovoran Kanton Sarajevo i njegove institucije i JP. Važno je napomenuti da Uredba čiju izmjenu iniciram nastala nakon pomenutog tragičnog događaja ali se ona na žalost ne sprovodi u potpunosti. Informacije poput naziva investitora ispravnosti sprava i rekvizita mislim da su posebno važne i da se treba to što prije uraditi.“

Zastupnik Haris Pleho postavio je dva zastupnička pitanja:

„Imam dva zastupnička pitanja koja upućujem prema Ministarstvu obrazovanja. Prvo pitanje, molim vas da mi odgovorite šta namjeravate poduzeti da se ukine Odluka školskog odbora Srednje škole poljoprivrede, prehrane, veterine i uslužnih djelatnosti koja je omogućila da direktor škole koristi putničko vozilo škole u trajanju od 24 sata? Napominjem da ovu odluku ne posjeduju niti ministri u Vladi. Drugo pitanje ću samo predati i svakako tražim odgovor u pisanoj formi.“

Zastupnik Bilsena Šahman postavila dva zastupnička pitanja i podnijela jednu inicijativu:

„Imam jednu inicijativu, dva pitanja i još jedan moj odgovor. Pitanje za Ministarstvo zdravstva šta se dešava sa prijedlogom za proširenjem dijaliznih kapaciteta. Znamo da je 335 pacijenata na dijalizi. Od toga 40 je u četvrtoj smjeni. Da pacijenti moraju doći dva sata prije i dva sata poslije dijalize moraju čekati, da su uslovi nehumani i neetični. Zašto se ne pokrene javno-privatno partnerstvo koje imamo i u RS 12 centara, u ZDK i SBK, gdje je već to organizovano i mislim da je to jedini način da se pomogne takvim pacijentima.

Drugo pitanje je za komesara Halilovića da dostavi podatke o broju činovanih policajaca u toku proteklih pet godina, posebno ratnih veterana koji su otišli u penziju bez mogućnosti da napreduju. Kako je moguće da policajci odu u penziju a da nisu uspjeli dobiti niti jedan čin?

Inicijativa za formiranje Fonda solidarnosti za pomoć djeci oboljeloj od rijetkih bolesti i liječenju u inostranstvu. Fond bi se finansirao izdvajanjem od plate svakog radnika (ukoliko to radnik neće, može pismeno da se izjasni) i od donacija. Fond solidarnosti bi bio u okviru Zavoda zdravstvenog osiguranja KS jer takvi lijekovi su skupi i nisu registrovani. Interventno se uvoze. Ova inicijativa je prošla Parlament FBiH, međutim Federalno Ministarstvo zdravstva nije imalo sluha i oglušilo se na naše zahtjeve za formiranje radne grupe koja bi to odradila. Zato molim Ministarstvo zdravstva da formira tu grupu, u koju se i ja mogu uključiti jer već imam pripremljen nacrt takvog Zakona.

Sada jedan odgovor kako smo imali prošlu Skupštinu i pitanja za KCUS za Finansijski izvještaj, ovo bih svrstala u rubriku vjerovali ili ne jer smo nazvani ljudi koji nemaju pojma o toj materiji. Moje pitanje je bilo direktorici za intelektualni kapital koji su izgubili? I to spada u finansijski izvještaj i očigledno da ne zna da je to najznačajniji, jer je tražila da se ja lično izjasnim o tome, najznačajniji organizacioni resurs kojeg čine ljudski kapital, definisan kao znanje, iskustvo, sposobnost i umijeće. Mjerenje intelektualnog kapitala je veoma odgovorna, kreativna i kompleksna aktivnost menadžmenta, naravno za menadžment koji to zna da uradi. Godine školovanja od osnovne do fakulteta, doktorata, godine iskustva, urađenih operacija, radova, itd. Mene koja imam 15 godina rukovodnog iskustva u zdravstvu i u javnom i u privatnom sektoru nije nimalo simpatično bilo da direktorica najveće zdravstvene ustanove ne zna da se intelektualni kapital može izračunati i ovaj primjer te press konferencije će se sigurno nekada izučavati pokazivati kako ne treba raditi, i da smo odlaskom ljudi iz KC izgubili milione KM i da će proći decenije da se stanje popravi. Meni je zaista stalo do našeg zdravstva, do naših građana, do naših pacijenata i naših zdravstvenih radnika i mislim da je na nama odgovornost za ovakvo nešto da dopuštamo da se ovakve stvari dešavaju i da se na ovakav način mi ovdje svi prozivamo.“

Zastupnik Zvonko Marić postavio je jedno zastupničko pitanje i uputio dvije inicijative:

„Molim usmeni odgovor ministra Filipovića ili Kovečevića, sasvim svejedno ministra finansija i stambene politike, ako je moguće da mi usmeno odgovore na sljedeće pitanje, da mi se pojasni informacija o doznačenim sredstvima Općini Novi Grad za potrebe sanacije stanja na deponiji Smiljevići koji su prema navodima medija utrošeni nenamjenski u druge svrhe. O kolikom iznosu je riječ i ostale detalje, da li je to sukladno Zakonu ili strogo propisano zakonima da se ne može sredstva doznačena iz Ministarstva finansija ili Kantona Sarajevo mogu upotrebljavati u neke druge svrhe. Ovo vam govorim iz prostog razloga što o deponiji Smiljevići, koja je u

kritičnom stanju, smo razgovarali i na tematskoj sjednici povjerenstva ili komisije kojom ja predsjedavam.

Druga stvar, evo kolegica Neira Dizdarević je upravo predložila otprilike ono što sam ja želio predložiti. Ne bih da ponavljam te stvari ali radi se o vantjelesnoj oplodnji. Mi znamo i svjedočili smo u proteklom mandatu da je Naša stranka pokrenula čak i Zakon u kojem je stajalo da je ta granica za vantjelesnu oplodnju 38 godina, sada vidim da je 40. međutim ja ponavljam što sam i onda rekao, da tu granicu ne treba postavljati, naprosto to trebaju odrediti stručnjaci jer svako pitanje koje je osjetljivo poput ovoga ne treba stavljati bilo kakvu barijeru odnosno nešto što asocira na diskriminaciju, prema tome neka stručnjaci odlučuju o tako nečemu jer znam osoba koje su i u 43 godini imale čak porod prirodnim putem.

I na koncu, kolegica Bibija Kerla je pokrenula pitanje da li je dodijeljena nagrada koja je bila predviđena u iznosu od 50.000 KM za davanje informacija o četverostrukom ubici Gačiću. Koliko znam da još uvijek nisu podijeljena ta sredstva iz prostog razloga što postoje određene dileme ko je prvi dojavio tako nešto. To je vrlo upitno i davanje i raspisivanje ove nagrade ali ne bih da to bude tema ove moje inicijative, već naprosto bojim se da ćemo na ovaj način svako odgovoran i civiliziran u ovome društvu je dužan da da takvu informaciju i mislim da ne trebam se vraćati po takvim manirima u vrijeme divljeg Zapada kada su bile ucjene i stvaranje lovaca na ucijenjene glave živ ili mrtav toliko i toliko novaca. Zato pokrećem inicijativu ako su sredstva već odobrena da se sredstva ravnomjerno rasporede obiteljima ili porodicama ili familijama kako god hoćete ubijenih policajaca dvojice, pa onda potom i ovog trećeg policajca. To ne može nadomjestiti gubitak tim obiteljima, ali sasvim sigurno da će biti najpravednije s obzirom da postoje dileme ili trileme koje se odnose na to ko je prvi dojavio, jer barem tako iz nadležnih institucija su govorili da postoje neki ljudi. I znamo za onaj svojevrsni video koji smo svi gledali i prema tome, ako postoji ta dilema i ne postoji jedinstven stav ko je, da se ova sredstva dodijele ovim porodicama.“

Zastupnik Segmedina Srna Bajramović postavila je dva zastupnička pitanja:

„Ja sam svoja dva zastupnička pitanja već u potpunoj, cjelovitoj formi, dostavila skupštinskim službama. Pokušat ću ispoštovati vrijeme od 3 minute i skratila sam ovo usmeno izlaganje. Prvo moje pitanje ponukano je situacijom sa kojom se po ko zna koji put suočavaju oboljeli od karcinoma, pa ovih dana, koji u bolnicama dobijaju odgovore da citostatika nema, da ih moraju sami nabaviti, a iz ZZO i reosiguranja FBIH za sve krive proces javnih nabavki, dobavljača ali i proizvođača lijekova. Problem s nestašicom lijekova nije od jučer, on traje već dugo, tako da je očigledno da je ovaj način organizacije, planiranja i nabavke lijekova za onkološke pacijente potpuno pogrešan, te je očigledno jasno da ga je neophodno promijeniti a sve sa ciljem poboljšanja liječenja onkoloških pacijenata. ZZO FBIH obavezan je provoditi postupke javnih nabavki za svaki lijek, to smo čuli posljednjih dana više puta, pa i za citostatike u skladu sa Zakonom o javnim nabavkama i potpisati ugovore o nabavi i isporuci lijekova sa ugovornim veldrogerijama, dobavljačima, koji se obavezuju između ostalog i na kontinuiranu isporuku ugovorenih lijekova. Nakon potpisivanja takvih ugovora Zavod nema mogućnost za nabavku lijeka od drugih dobavljača u slučajevima kada je lijek deficitiran pa i slučajevima kada na tržištu postoji generička paralela drugog proizvođača. Dok traje nestašica tih citostatika Federalni zavod refundirat će troškove za lijekove koje moraju sami nabavljati, ali je pitanje da li ti pacijenti imaju novac za kupiti tako skupi lijek. Očigledno je da se za funkcionisanje Fonda solidarnosti koji se iz godine u godinu suočava sa sve većim problemima moraju hitno tražiti drugačija sistematska rješenja. Zamolila bih stoga našu Vladu i resorno Ministarstvo da se uključi u ovaj proces. Da se svojim kapacitetima a u saradnji sa nadležnim institucijama i Vladom FBIH pokuša pomoći u reformisanju očigledno pogrešno postavljenog sistema koji iz godine u godinu ponavlja svoje slabosti kroz utvrđivanje odgovor na sljedeća pitanja, na koji način se vrši procjena nabavke citostatika, te da li je moguće izvršiti nabavke određenih rezervi lijekova kako nam se ovakva situacija ne bi ponavljala iz godine u godinu. Da li Vlada FBIH

može uplatiti svoj dio obaveza po pitanju Fonda solidarnosti pa da se osiguraju nedostajuća sredstva kojim će se nabaviti odgovarajuće rezerve lijekova, i da li postoji mogućnost da Agencija za javne nabavke izvrši određenu intervenciju kroz prioritarno rješavanje ovakvih postupaka ili eventualno izradu uputstva po kojim će se ovakvi postupci, od kojih ovise životi ljudi, učiniti efikasnijim nego što je slučaj zadnjih godina. Na drugo pitanje evidentno neću moći preći, samo ću napomenuti i onako oba iziskuju usmeni odgovor i konkretno djelovanje. Odnosi se na trenutno postupanje sa nus proizvodima i otpadom životinjskog porijekla.“

Zastupnik Jasna Duraković postavila je tri zastupnička pitanja:

„Ja imam za današnju sjednicu pripremljena tri zastupnička pitanja, tačnije nekoliko pitanja ali na tri različite adrese. Prvo pitanje se odnosi na upućujem i vama predsjedavajući, kao i rukovodstvu ovom doma, kada ćemo konstituisati etičku komisiju koju smo imenovali čini mi se na protekloj radnoj sjednici, jer čini mi se da će njen rad zaista biti neophodan u narednom periodu. To je jedno. Pod dva imala sam isto, gotovo identično pitanje kao i kolega Marjanović, tako da se neću ponavljati, a evo prisutna je i uvažena ministrica pa mislim da možemo dobiti odgovor kroz komisiju za obrazovanje i nauku. I moje treće zastupničko pitanje zahtjeva određeno obrazloženje ali evo bit ću kratka pošto imam još uvijek vremena. Naime, Skupština Kantona Sarajevo je usvojila Vlada Kantona Sarajevo primijenila mjere za rješavanje pitanja zagađenosti. Postavlja se pitanje koliko su te mjere efektivne i da li zaista daju rezultate. Najočitiji primjer dugoročnog ugrožavanja ljudskog zdravlja i života kroz zagađenje zraka imaju građani u Vogošći u Kantonu Sarajevo. A to je uzrokovano korištenjem privatnih ložišta i dima koji ulaze u njihove stanove korištenjem upravo privatnih kotlovnica i ložišta. Pored toga moram spomenuti najvećeg zagađivača zraka, a to je preduzeće Bags energotehnika d.d. Vogošća koje još uvijek radi na bazi tehnologije iz 1974 godine. Mi vrlo dobro znamo šta to znači a toliko je neriješenih problema oko ovog zagađivača, počev od statusnih pitanja, imovinskih, vlasničkih i stalno evo čekamo da Vlada ponudi neko rješenje kako bi se štetnost kvalitet zraka u Općini Vogošća konkretno neutralizirala ili svela na najmanju moguću mjeru. Danas neću otvarati problem finansiranja ovog zagađivača od strane Vlade Kantona Sarajevo ali ću svoje pitanje preusmjeriti na stanare u ulici Tome Mendeša u Vogošći koji cijelu zimu proživljavaju torturu jer se u privatnom objektu ispred zgrade koristi privatno ložište jačine 35 kw. Dakle mještani tvrde da se u ovoj kotlovnici loži ugalj, loži smeće, fotografski papir. Napomenut ću samo štetnost fotografskog papira. Za njegovu izradu se koriste supstance kao što su tatani, dioksid, barit koji u kontaktu sa vatrom mogu izazvati gušenje, bronhitis i teške plućne bolesti. U stambenoj zgradi u pomenutoj ulici živi preko 100 stanara, među njima su i trudnice i djela, njih skoro 30. dakle nalazi pokazuju da su jedno dijete i majka u ovoj stambenoj jedinici zbog štetnih uticaja dima iz privatnih ložišta koji ulaze u njihove stanove oboljeli čak i od težeg oblika bronhitisa. Zato postoje ljekarski nalazi. Stanari su se obraćali opštinskoj ekološkoj inspekciji, oni su ih uputili kantonalnoj inspekciji, kantonalna okolišna inspekcija im je kazala kako to nije predmet njihovog djelovanja i uputili su ih eko policiji. Ni eko policija se s ovim ne bavi, već su ih prosljedili dalje protupožarnoj inspekciji MUP-a Kantona Sarajevo. Dakle iz ove inspekcije mogli su samo naložiti čišćenje dimnjaka. Inspekcija je konstatovala da se zagrijavanje privatne jedinice koristi ugalj. Dakle ovaj problem se ne rješava. Moje pitanje je upućeno kantonalnoj inspekciji za okoliš, Ministarstvu za okoliš i prostorno uređenje, Ministarstvu zdravstva Kantona Sarajevo i kome već treba da se ovo pitanje konačno riješi. Ko je odgovoran za ugrožavanje ljudskog života, za ovo zagađenje? Zašto u nadležnim kantonalne okolišne inspekcije ne postoji kontrola kao i kaznene odredbe za privatna ložišta. I na kraju hoće li se konačno ovo promijeniti i kada možemo očekivati od Vlade Kantona Sarajevo da ovaj problem riješi?“

Zastupnik Arijana Memić postavila je dva zastupnička pitanja i jednu inicijativu:

„Ja imam dva zastupnička pitanja i jednu inicijativu. Moje prvo zastupničko pitanje upućeno je JU Studentski centar Sarajevo. Moli vas da mi dostavite informaciju o broju zaposlenih radnika

na određeno i neodređeno vrijeme u JU Studentski centar u periodu 2018-2019 godine, te da li su provedene konkursne procedure prilikom navedenog zapošljavanja? Posjedujem informacije da je došlo do navedenog zapošljavanja bez odobrenja Vlade Kantona Sarajevo unatoč moratoriju na zapošljavanje što predstavlja direktno kršenje odluka Skupštine Kantona Sarajevo i Vlade Kantona Sarajevo. Drugo zastupničko pitanje upućeno je također JU Studentski centar Sarajevo. Molim vas da mi dostavite informaciju da li su radnici koji su primljeni u radni odnos u 2018 i 2019 godini primani na jedno radno mjesto a nakon zasnivanja radnog odnosa raspoređeni i potpisali ugovore na druge radne pozicije koje nisu bili predmeti raspisanih konkursa ili eventualne saglasnosti za popunu tih radnih mjesta. Imam jednu inicijativu upućenu Ministarstvu saobraćaja. Pokrećem inicijativu za obnovu i rekonstrukciju trolejbuske mreže od raskrsnice kod bivše zgrade Američke ambasade do naselja Šip. Realizacijom ove inicijative bi se uspostavio trolejbuski saobraćaj do ovog novoizgrađenog naselja koje svaki dan ima sve više stanovnika, te ujedno iskoristila postojeća infrastruktura, odnosno stubovi. Korištenje trolejbusa i svih drugih prijevoznih sredstava na strujni pogon u razvijenom svijetu je trenutno ekološki najprihvatljiviji oblik gradskoj prijevoza. S obzirom da su u toku pripreme za implementaciju projekta izgradnje kružnog toka u naselju ŠIP realizacija ove inicijative bi se mogla nasloniti na pomenuti projekat kroz eventualno doprojektovanje a time i iskorištavanje ovog kružnog toka kao okretnice za ovo gradsko prevozno sredstvo. Inicijativa bi se mogla realizirati u saradnji sa kantonalnim Ministarstvom saobraćaja i KJKP Gras u čijem bi poslovnom interesu bilo proširivanje korištenje gradskog prijevoza i do ovog naselja. Također bi se njena realizacija mogla smatrati prvom fazom sanacije kompletne trolejbuske mreže na nekadašnjoj relaciji prema općini Vogošća. Koristi od realizacije ove inicijative bi imali stanovnici novoizgrađenog naselja ali i svih drugih susjednih naselja koji od okončanja agresije nemaju redovan gradski prijevoz. Neophodno je istaći da bi se realizacijom ove inicijative značajno unaprijedio kvalitet života stanovnika jer bi na najjeftiniji način bili uvezani sa svim drugim dijelovima grada. Posebno bi to bilo bitno učenicima, studentima, redovno aktivnom stanovništvu a posebno penzionerima koji isključivo koriste subvencionirane kupone gradskog prijevoza. Sigurno bi to doprinijelo i smanjenju upotrebe vlastitih motornih vozila koji su najveći uzročnici zagađenja zraka u našem gradu.“

Zastupnik Jasmina Bišćević-Tokić postavila je dva zastupnička pitanja:

„Evo ja za danas imam dva zastupnička pitanja. Prvo se odnosi za Ministarstvo obrazovanja, našoj uvaženoj ministrici. Da li je tačna informacija da se mimo svih propisanih procedura, mimo Pravilnika o prijemu djece u JU Djeca Sarajeva i javnog poziva za prijem za pedagošku 2018/19 godinu uprava ustanove je formirala komisiju koja je vršila razgovore da roditeljima djece sa poteškoćama u razvoju kako bi ih usmjerila gdje da dijete krene u vrtić. Do pred sami početak školske godine ti roditelji nisu imali informaciju šta je sa prijemom da bi u augustu mjesecu bili pozvani na razgovor od strane imenovane komisije što nije slučaj sa roditeljima zdrave djece. Koji je pravni osnov za sazivanje samo roditelja djece sa poteškoćama u razvoju. Tražim od Ministarstva obrazovanja nauke i mladih Kantona Sarajevo i prosvjetne inspekcije da izvrše nadzor nad ugovorima kojim se sada regulišu prava i obaveze ustanove i korisnika usluga te da mi pismenim putem dostave sljedeće podatke na osnovu koje odluke je imenovana spomenuta komisija i ko su članovi te komisije? Obrazloženje: na osnovu Konvencije o pravima osoba sa invaliditetom članom 24. države potpisnice priznaju pravo osoba sa invaliditetom na obrazovanje. U svrhu ostvarenja ovog prava bez diskriminacije i na osnovu jednakih mogućnosti države potpisnice osigurat će sve obrazovanje na svim nivoima među kojima i Kanton Sarajevo. Ni jedno dijete ne smije biti diskriminirano ni po kojem osnovu a pogotovo ne medicinskom. I imam drugo zastupničko pitanje upućeno našem uvaženom premijeru gospodinu Forti. Da li je tačna informacija da ministar unutrašnjih poslova gospodin Admir Katica ima dodatak na platu od 30%, kao što imaju službenici sa posebnim ovlaštenjima, a znamo da on to nije, te sa tim

dodatkom mjesečno prima platu više od 4000 KM, što su veća primanja i od premijera Kantona Sarajevo i od premijera Federacije. Tražim da mi se dostave pismenim putem sljedeći podaci, ko je odobrio takvu isplatu primanja i na osnovu kojih zakonskih regulativa?“

Zastupnik Damir Nikšić postavio je nekoliko zastupničkih pitanja:

„Ja ću brzo proletiti kroz ovo i tražit ću pismeni odgovor, ne mora ništa usmeno. Zastupničko pitanje resornom ministru šta se desilo sa naknadama za tuđu njegu i pomoć koju su djeca koja imaju potrebu za tom vrstom pomoći do sada redovno primala? Pitanje je na koji način i kada se ovom problemu planira sistemski pristupiti jer prema informacijama koje imam roditelji čija djeca poteškoće zajedno sa svojom djecom su doslovno dovedeni u situaciju da budu građani drugog reda. Tako su mi se obratili građani.

Drugo pitanje Etičkom komitetu Psihijatrijske bolnice Kantona Sarajevo i Zavodu za bolesti ovisnosti Kantona Sarajevo molim vas da mi sa kako stručnog tako i etičkog aspekta odgovorite da li je moguće da zdrava osoba stekne psihičke smetnje kao rezultat konstantnog i sistemskog ne fizičkog, već psihičkog maltretiranja na radnom mjestu ili npr u obrazovanoj instituciji? Da li mislite da psihosocijalna atmosfera u školskim i drugim institucijama a naročito mobing mogu uticati na mentalno zdravlje građana do te mjere da im je kao žrtvama isto potrebna pomoć vaših institucija.

Ovdje imam zastupničko pitanje, roditelji maloljetnog djeteta pita resornu ministricu da li su osnovne škole u Kantonu Sarajevo u obavezi poštivati odredbe protokola o postupanju škole u situacija nasilja na koje je saglasnost dalo Ministarstvo za obrazovanje i nauku mlade Kantona Sarajevo i kada će Ministarstvo odgovoriti na dopise i dokaze roditelja učenika u kršenju propisa i Zakona od strane direktora OŠ Malta. Imam tu i obrazloženje, imam sve. Ne bih sada koristio vrijeme da. Imam malo vremena.

Onda pitanje resornom ministru i policijskom komesaru koliko je policija u Kantonu Sarajevo kada se o savremenim pojavama na internetu radi, slično pitanje je kao maloprije postavljeno, ovih dana su mi građani skrenuli pažnju na postojanje alarmantnog broja ultradesničarskih i militantnih grupa i pojedinaca na društvenim mrežama koji pored vatrenog i hladnog oružja promovišu određene ideološke sadržaje koji obiluju govorom mržnje i porukama vjerske etno nacionalne mržnje a čije su mete i neki zastupnici u ovoj Skupštini kao i sami članovi Vlade. Ja sam veliki pobornik slobode govora, ali kada dođe do oružja i svega toga, malo se bojim. Tako da se pitam gdje i kako najefikasnije građani mogu prijaviti konkretne fizičke prijetnje i prijetnje smrću. Moram reći da jutros su mi došli na vrata i zamolili me da dođem na razgovor. Znači sve je u redu, policija je reagovala. Ali ne do jutros.

Imam inicijativu da li bi resorno Ministarstvo moglo organizovati određenu aktivnost, medijsku kampanju u svrhu edukacije obrazovanja raznih generacija, korisnika interneta u postupcima u ovakvim slučajevima. I da li postoji zapravo ikakav odjel koji se bavi skeniranjem terorističkih aktivnosti na internetu? Imam pitanje pa ću ga predati. I još pitanje Vladi Kantona Sarajevo, zamolili su me građani da to kažem, pitam koji su projekti do sada provedeni i koje projekte planira ova Vlada u cilju motivisanja Sarajlija na povratak u Sarajevo ili motivisanja Bosanaca i Hercegovaca svih nacionalnosti da izaberu Sarajevo za svoj budući dom s obzirom da se radi o njihovom glavnom gradu. Popis iz 2013 pokazao je drastačina pad broja Srba i Hrvata u Sarajevu u odnosu na popis iz '91. Šta je urađeno i šta se namjerava uraditi da se ovi brojevi približe onima iz '91 i za koliko planirate povećati ove brojeve djelovanjem do idućeg popisa koji bi se trebao provesti 2021 ili najkasnije 2023 godine? Obrazloženje: postoje naznake da je to naša ustavna a i ljudska obaveza.“

Zastupnik Hamed Aljović postavio je dva zastupnička pitanja:

„Moje prvo pitanje je upućeno prema Ministarstvu za obrazovanje, nauku i mlade Kantona Sarajevo. Molim Ministarstvo za obrazovanje, nauku i mlade Kantona Sarajevo da mi odgovori

kada će resorno Ministarstvo i ministrica koristiti zakonske ovlasti za smjenu v.d. direktorice JU Djeca Sarajeva koja grubo krši Zakon i ima više od jednog mandata v.d. te ustanove. Obrazloženje: spomenuta direktorica Jasmina Čongo je već šest mandata v.d. direktorica JU Djeca Sarajeva. Smatram da je to u suprotnosti sa zakonom o osnovnom odgoju i obrazovanju. Drugo pitanje, isto upućeno prema Ministarstvu za obrazovanje, nauku i mlade Kantona Sarajevo. Molim Ministarstvo za obrazovanje, nauku i mlade Kantona Sarajevo da mi odgovori za koje namjene su planirana sredstva u iznosu od 1,8 miliona KM koja se nalaze na poziciji budžeta Ministarstva za obrazovanje za 2019 godinu na budžetskom kodu 614300 pod nazivom implementacija strategije realizacija zaključaka Skupštine Kantona Sarajevo za rad sa djecom sa poteškoćama u razvoju.“

Zastupnik Elvis Vreto uputio je jednu zastupničku inicijativu:

„Ja ću se malo prije nego što podnesem jednu inicijativu osvrnuti na odgovor koji sam dobio od Ministarstva saobraćaja. Moram priznati da sam to shvatio kao informaciju, a ne proces kako doći do realizacije te inicijative. Radi se o komercijalnoj liniji Hrasnica Vijećnica. Mislim da kroz ovaj odgovor što sam dobio su hronološki nabrojani podaci šta se dešavalo iz prošlosti. Poziva se na Pravilnik iz 2009 i na komisiju koja se sastajala 2016 godine, pa molim Ministarstvo da progresivno djeluje kako bi inicijativa koja je nužnost zbog lošeg javnog prevoza bila privremeno stavljena u funkciju.

Imam jednu inicijativu za danas prema Ministarstvu zdravstva, JU Domovi zdravlja Kantona Sarajevo da se hitno izvrši rekonstrukcija krova zgrade JU DZ Ilidža kao i sanacija unutrašnjeg prostora zbog posljedica prokišnjavanja. Krov je u jako lošem stanju što šteti postojećoj betonskoj konstrukciji, odnosno zidovima koje koristi medicinsko osoblje kao i pacijenti. Uzimajući u obzir da su ugroženi osnovni uslovi za rad u pružanju usluga građanima, korisnicima zdravstvenih usluga, kao i da je OJ DZ Ilidža pruža primarnu zdravstvenu zaštitu za 62.239 stanovnika molim vas da se hitno interveniše i u što kraćem roku realizuje ova inicijativa. Na ovu inicijativu također želim pismeni odgovor o dinamici i načinu rješavanja realizacije. Ovu inicijativu je također pokrenuo vijećnik u Opštinskom vijeću Ilidža Amar Bungur. Vjerovatno je u procesu tako da iz Opštinskog vijeća imate istu inicijativu.“

Zastupnik Igor Stojanović postavio je jedno zastupničko pitanje:

„Ja imam jedno pitanje i postavljam ga Zavodu za planiranje i odnosi se na naselje Zabrđe, Smiljevići. Moje pitanje glasi s obzirom da se tu nalazi deponija Smeća i s obzirom da smo ne tako davno imali više problema vezano za zdravstveno stanje građana koji žive u blizini ovog naselja, također je primijenjen i plan koji bi trebao da sanira procjedne vode, da utiče i na nenasnosan smrad u okolnom naselju, koji ugrožava zdravstveno stanovnike, tražim informaciju od Zavoda za planiranje s obzirom da postoje indikacije da je pokrenuta inicijativa da se na ovom lokalitetu izgradi sportska ploha pa me zanima da li je istina da pokrenuta inicijativa i da se već ušlo u projekat izgradnje sportske plohe na ovom lokalitetu-. Također me zanima koliko je uloženo sredstava u platenike za poljoprivredu na ovoj lokaciji. Za mene je sasvim nelogično da imamo ulaganje od strane opštine u platenike i u sportsku plohu na jednom području koje ugrožava zdravlje stanovnika. Želim imati tu informaciju da bih pripremio neku svoju narednu inicijativu.“

Predsjedavajući Elmedin Konaković pokrenuo je dvije zastupničke inicijative:

„Ako nema više prijavljenih, ja bih iskoristio pravo i pokrenuo dvije inicijative, jednu ste dobili u pisanoj formi i molit ću da se Skupština o njoj izjasni. Podnosim inicijativu za stavljanje van snage Zaključka Skupštine Kantona Sarajevo kojim se zabranjuje zapošljavanje u svim ustanovama, fondovima, zavodima i ostalim institucijama čiji je osnivač Kantona Sarajevo. Od Vlade Kantona Sarajevo tražimo da nastavi sa strogom kontrolom zapošljavanja u javnom

sektoru nadzirući moratorij koji je na snazi. Obrazloženje: Imajući u vidu nedavno donesene odluke Vlade Kantona Sarajevo posebno odluku o uspostavi Registra zaposlenih u javnom sektoru kao i Uredbu o zapošljavanju ali i izmjene Zakona o radu FBiH, čime je uspostavljen funkcionalan sistem nadzora i kontrole, osigurani transparentni procesi zapošljavanja u javni sektor, cijenim da prestaje potreba sa zaključkom ove Skupštine o zabrani zapošljavanja na neodređeno. Pa predlažem da isti stavimo van snage. Također, prema informacijama koje su došle do skupštinskih zastupnika trenutnim moratorijom su zaustavljeni vrlo značajni procesi zapošljavanja, čak u pravosuđu jer Vlada nije mogla dati saglasnost. Tako primjera radi, već duže vrijeme se ne postupa po zahtjevu Kantonalnog suda kojim se traži saglasnost za prijem stručnih saradnika za rješavanje zaostalih predmeta. Vodeći računa o činjenici da bi sudska, izvršna i zakonodavna vlast morale biti neovisne jedna od drugoj Vlada je dovedena u vrlo neugodan položaj zbog nemogućnosti da postupi po navedenom zahtjevu. Ponavljam, sada kada će se sva zapošljavanja u javnom sektoru vršiti putem javnog konkursa uz jasno uspostavljena pravila provođenja konkursne procedure, iz uspostavljen sistem nadzora i kontrole te uz i dalje neophodnu saglasnost resornih ministarstava i Vlade ne vidi se potreba, gubi se svrha skupštinskog zaključka. Molit ću da se o ovome zastupnici izjasne. Materijal je podijeljen u pisanoj formi.

Druga inicijativa je upućena Vladi Kantona Sarajevo, Ministarstvu pravde i uprave. Pokrećem inicijativu za izradu Zakona o nepotizmu i stranačkom zapošljavanju u organima uprave i ostalim institucijama čiji je osnivač Kanton Sarajevo. Svjedoci smo zloupotreba izabranih i imenovanih zvaničnika koji u toku svojih mandata u javni sektor zapošljavaju članove svojih stranaka, aktiviste, rodbinu te na taj način nanose veliku štetu sa nesagledivim posljedicama. Bitno je ovim zakonom utvrditi odgovor i sanaciju za sve one koji javnu funkciju koriste za nepotrebno zapošljavanje po stranačkim i rođačkim linijama.“

Dopredsjedavajući Vibor Handžić podnio je dopunu inicijative:

„Ja imam samo dopunu ili dodatak vašoj prvoj inicijativi koja se odnosi na skidanje zaključka Skupštine Kantona Sarajevo a to je da u cilju dalje transparentnosti cijelog ovog procesa, Vlada odnosno premijer na nekoj mjesečnoj bazi Skupštini dostavlja samo kratku informaciju o tome na šta se dalo saglasnost za prijem na neodređeno vrijeme a u skladu sa moratorijem Vlade koji je na snazi. Ponavljam kako je ovaj proces bio transparentan. S premijerom sam već razgovarao o tome, e ne vidim nikakav problem i da inicijativa bude dopunjena na ovaj način.“

Predsjedavajući Elmedin Konaković:

„Nemam naravno ništa protiv, onda bi u nastavku ovog zaključka, samo nakon tačke piše koji je na snazi, stajalo još „traži se od Vlade Kantona Sarajevo da Skupštinu mjesečno izvještava o saglasnostima za zapošljavanje koje su date institucijama u Kantona Sarajevo, na neodređeno, svakako moratorij kaže.“

Zastupnici su JEDNOGLASNO (28 „ZA“) prihvatili Zaključak:

„Stavlja se van snage zaključak Skupštine Kantona Sarajevo, kojim se zabranjuje zapošljavanje u svim ustanovama, fondovima, zavodima i ostalim institucijama, čiji je osnivač Kanton Sarajevo.

Traži se od Vlade Kantona Sarajevo da nastavi sa strogom kontrolom zapošljavanja u javnom sektoru, nadzirući moratorij, koji je na snazi.

Vlada Kantona Sarajevo će Skupštinu Kantona Sarajevo mjesečno informisati o saglasnostima na zapošljavanje, koje su date institucijama u Kantonu Sarajevo na neodređeno vrijeme.“

Zastupnicima koji su tražili usmene odgovore na postavljena pitanja dali su ministri: *Zineta Bogunić, Admir Katica i Amel Kovačević* i predsjedavajući Skupštine *Elmedin Konaković*.

Predsjedavajući je otvorio drugu tačku:

AD – 2.

- a) **Informacija o radu KJKP „Gras“ d. o. o. Sarajevo.**
- b) **Vodovod KJKP „Vodovod i kanalizacija“.**

a)

Uvodne informacije o radu KJKP GRAS dao je direktor preduzeća Avdo Vatrić.

Pitanja su postavili zastupnici: *Bibija Kerla, Admela Hodžić, Mirza Čelik, Jasna Duraković, Zvonko Marić, Vibor Handžić, Igor Stojanović, Vildana Bešlija*, a odgovore je dao direktor Avdo Vatrić.

U diskusiji su učestvovali zastupnici: *Vibor Handžić, Jasna Duraković i Elvis Vreto*.

Kako nije više bilo diskusija predsjedavajući je zaključio da se Informacija prima k znanju.

b)

Uvodne informacije podnio je predstavnika KJKP „Vodovod i kanalizacija“ Puriš.

Pitanja su postavili zastupnici: *Elmedin Konaković i Segmedina Srna Bajramović*, a odgovor je dao predstavnik preduzeća Puriš.

Obzirom da nije više bilo pitanja ili diskusija predsjedavajući je zaključio da se Informacija prima k znanju.

Predsjedavajući je predložio, a zastupnici prihvatili (25 „ZA“) da se održi pauza za ručak u trajanju od sat vremena.

U nastavku rada nakon pauze, prešlo se na realizaciju treće tačke dnevnog reda.

AD – 3.

PRIJEDLOG ZAKONA O IZMJENAMA I DOPUNI ZAKONA O OBJAVLJIVANJU PROPISA I DRUGIH OPĆIH AKATA U "SLUŽBENIM NOVINAMA KANTONA SARAJEVO" - SKRAĆENI POSTUPAK

Predsjedavajući je pozvao predstavnika Predlagača da podnese uvodno izlaganje što je učinila ministrica pravde i uprave u Vladi KS Lejla Brčić.

Zastupnici su jednoglasno (27 „ZA“) podržali da se **Pretres Prijedloga zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo" provede po skraćenom postupku.**

Nije bilo prijavljenih zastupnika za pitanja ili diskusiju.

Predsjedavajući je pozvao zastupnike da se izjasne o Prijedlogu zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo."

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (27 „ZA“) DONIJELA OVAJ ZAKON.

Četvrta tačka dnevnog reda:

AD – 4.

PRIJEDLOG ODLUKE O DAVANJU SAGLASNOSTI NA PROGRAM RADA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU

Zastupnici su materijal dobili uz poziv za sjednicu. Uvodno izlaganje podnio je *direktor JU Služba za zapošljavanje Muhamed Bekto*.

Pitanja su postavili zastupnici: *Senad Hasanović, Segmedina Srna-Bajramović, Bilsena Šahman, Dževad Poturak, Damir Marjanović, Vildana Bešlija*, a odgovore je dao direktor Muhamed Bekto.

Nije bilo prijavljenih zastupnika za diskusiju.

Predsjedavajući je pozvao zastupnike da se izjasne o *Prijedlogu odluke o davanju saglasnosti na Program rada Javne ustanove „Služba za zapošljavanje Kantona Sarajevo“ Sarajevo za 2019.godinu*.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (29 „ZA”) DONIJELA OVU ODLUKU.

Peta tačka dnevnog reda:

AD - 5.

PRIJEDLOG ODLUKE O DAVANJU SAGLASNOSTI NA FINANSIJSKI PLAN JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU SA ODLUKOM O IZVRŠAVANJU FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2019. GODINU

Prijedlog odluke su zastupnici dobili uz poziv za sjednicu.

Zastupnici su se aklamacijom izjasnili da nisu potrebna uvodna izlaganja, nije bilo pitanja, a u diskusiji su učestvovali zastupnici: *Igor Stojanović, Bilsena Šahman, Neira Dizdarević*. Odgovore je dao *direktor Muhamed Bekto*.

Dopredsjedavajući Vibor Handžić je pozvao na izjašnjavanje o *Prijedlogu odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2019.godinu sa Odlukom o izvršavanju Finansijskog plana Javne ustanove „Služba za zapošljavanje Kantona Sarajevo“ Sarajevo za 2019.godinu*.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (25 „ZA”) DONIJELA OVU ODLUKU.

U nastavku je uslijedila razrada šeste tačke dnevnog reda:

AD-6

PRIJEDLOG ODLUKE O DAVANJU SAGLASNOSTI NA ODLUKU O IZMJENI I DOPUNI STATUTA JAVNE USTANOVE OPĆA BOLNICA “PRIM. DR. ABDULAH NAKAŠ”

Zastupnici su Prijedlog odluke dobili uz poziv za sjednicu. Uvodne napomene dala je *ministrica zdravlja Amela Sofić*.

Nije bilo prijavljenih zastupnika za pitanja ili diskusiju.

Dopredsjedavajući je pozvao zastupnike na izjašnjavanje po *Prijedlogu odluke o davanju saglasnosti na Odluku o izmjeni i dopuni Statuta JU Opća bolnica „Prim.dr. Abdulah Nakaš“*.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (24 „ZA“) DONIJELA OVU ODLUKU.

Sedma tačka dnevnog reda:

AD – 7.

PRIJEDLOG ODLUKE O VERIFIKACIJI ODLUKE O SPAJANJU JAVNIH USTANOVA KULTURE U JAVNU USTANOVU "BOSANSKI KULTURNI CENTAR KANTONA SARAJEVO"- PREČIŠĆEN TEKST

Zastupnici su se izjasnili aklamativno da nisu potrebna uvodna obrazloženja, nije bilo prijavljenih za pitanja ili diskusiju.

Predsjedavajući je pozvao zastupnike da se izjasne o *Prijedlogu odluke o verifikaciji Odluke o spajanju javnih Ustanova kulture u Javnu ustanovu "Bosanski kulturni centar Kantona Sarajevo"*.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (25 „ZA“) DONIJELA OVU ODLUKU.

Osma tačka dnevnog reda:

AD – 8.

PRIJEDLOG ODLUKE O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA ZA TRANSPORT I DISTRIBUCIJU GASA "SARAJEVO GAS" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Prijedlog odluke su zastupnici dobili u dopunskom materijalu.

Zastupnici su se izjasnili aklamacijom da nisu potrebna uvodna obrazloženja, nije bilo prijavljenih za pitanja ili diskusiju.

Predsjedavajući je pozvao zastupnike da pristupe izjašnjavanju o *Prijedlog odluke izmjeni Odluke o usklađivanju statusa Kantonalnog javnog komunalnog preduzeća za transport i distribuciju gasa "Sarajevogas" d.o.o. Sarajevo sa Zakonom o javnim preduzećima u Federaciji Bosne i Hercegovine*.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (25 „ZA“) DONIJELA OVU ODLUKU.

Deveta tačka dnevnog reda:

AD - 9.

- a. **Prijedlog odluke o davanju Saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu Niz B, Lamela B 3, izgrađenog u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina;**
- b. **Prijedlog odluke o davanju Saglasnosti na nacрте ugovora o kupoprodaji nekretnina-etažno vlasništvo stambeno-poslovnom objektu Niz B, Lamela B 2, izgrađenom u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina.**

Zastupnici su materijal za ovu tačku dobili uz poziv za sjednicu.

Nije bilo prijavljenih zastupnika za pitanja i diskusiju.

a)

Predsjedavajući je pozvao zastupnike da se izjasne o *Prijedlogu odluke o davanju Saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu Niz B, Lamela B 3, izgrađenog u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina.*

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (24 „ZA” I 1 „PROTIV”) DONIJELA OVU ODLUKU.

b)

Predsjedavajući je pozvao zastupnike da se izjasne o *Prijedlogu odluke o davanju Saglasnosti na nacрте ugovora o kupoprodaji nekretnina-etažno vlasništvo stambeno-poslovnom objektu Niz B, Lamela B 2, izgrađenom u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina.*

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (25 „ZA”) DONIJELA OVU ODLUKU.

Deseta tačka dnevnog reda:

AD - 10.

PRIJEDLOG ODLUKE O IZMJENI ODLUKE O IZBORU PREDSEDAVAJUĆIH, ZAMJENIKA PREDSEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Zastupnici su Prijedlog odluke dobili u dopunskom materijalu.

Obzirom da nije bilo prijavljenih zastupnika za pitanja ili diskusiju, predsjedavajući je pozvao da se zastupnici izjasne o *Prijedlogu odluke o izmjeni Odluke izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo.*

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (23 „ZA”) USVOJILA ODLUKU.

Jedanaesta tačka:

AD - 11.

PRIJEDLOG ODLUKE O IZMJENI ODLUKE O DAVANJU SUGLASNOSTI O STATUSNOJ PROMJENI FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN OBILJEŽJA ŽRTAVA GENOCIDA

Zastupnici su Prijedlog odluke dobili u dopunskom materijalu.

Obzirom da nije bilo prijavljenih zastupnika za pitanja ili diskusiju, predsjedavajući je pozvao da se zastupnici izjasne o *Prijedlogu odluke o izmjeni Odluke o davanju suglasnosti o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida.*

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (25 „ZA”) USVOJILA ODLUKU.

Tačka dvanaest:

AD – 12.

PRIJEDLOG ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO

Prijedlog odluke zastupnici su dobili u dopunskom materijalu. Uvodno izlaganje je podnio *ministar saobraćaja Adnan Šteta.*

Nije bilo prijavljenih za pitanja i diskusiju.

Predsjedavajući je pozvao da se zastupnici izjasne o *Prijedlogu odluke o potvrđivanju razrješenja vršilaca dužnosti predsjednika i članova Skupštine Kantonalnog javnog komunalnog preduzeća "Gradski saobraćaj" d.o.o. Sarajevo .*

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (21 „ZA”, 6 „PROTIV“) USVOJILA ODLUKU.

AD – 13.

PRIJEDLOG ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA:

- a)"RAD" D.O.O. SARAJEVO**
- b)"PARK" D.O.O. SARAJEVO**

Zastupnici su prijedloge odluka dobili u dopunskom materijalu. Predsjedavajući je predložio, a zastupnici jednoglasno (28 „ZA“) podržali da se vodi jedinstvena diskusija po obje odluke, a izjašnjavanje pojedinačno.

Uvodno izlaganje podnio je *ministar komunalne privrede i infrastrukture Srđan Mandić*.

Pitanja su postavili zastupnici *Mirza Čelik, Mahir Dević i Aljoša Čampara*. Odgovore su dali *ministrica Lejla Brčić i ministar Srđan Mandić*.

U diskusiji koja je potom uslijedila učestvovali su zastupnici: *Mirza Čelik, Mahir Dević, Samir Suljević, Aljoša Čampara, Vildana Bešlija, Jasmina Bišćević-Tokić, Damir Nikšić, Zvonko Marić, Elvis Vreto, Elmedin Konaković*.

Premijer Edin Forto se kratko obratio po ovoj diskusiji.

Pošto je diskusija iscrpljena predsjedavajući je pozvao zastupnike da se izjasne o predloženim odlukama nakon čega je konstatovao:

a)

SKUPŠTINA JE VEĆINOM GLASOVA (21 „ZA”, 7 „PROTIV“) USVOJILA PRIJEDLOG ODLUKE O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "RAD" D.O.O. SARAJEVO.

b)

SKUPŠTINA JE VEĆINOM GLASOVA (21 „ZA”, 7 „PROTIV“) USVOJILA PRIJEDLOG ODLUKE O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "PARK" D.O.O. SARAJEVO.

Tačka četrnaest:

AD – 14.

PRIJEDLOG ODLUKE O POTVRĐIVANJU RAZRJEŠENJA DUŽNOSTI PREDSJEDNIKA I ČLANOVA SKUPŠTINE KANTONALNOG JAVNOG PREDUZEĆA:

a) “ZOI 84” OLIMPIJSKI CENTAR SARAJEVO D.O.O. SARAJEVO;

b) PREDUZEĆE ZA GOSPODARENJE DRŽAVNIM ŠUMAMA “SARAJEVO-ŠUME” D.O.O. SARAJEVO

Zastupnici su prijedloge odluka dobili u dopunskom materijalu. Predsjedavajući je predložio, a zastupnici jednoglasno (27 „ZA“) podržali da se vodi jedinstvena diskusija po oba prijedloga odluka, a izjašnjavanje pojedinačno.

Uvodno izlaganje podnio je *ministar privrede Haris Bašić*.

Pitanje je postavio zastupnik *Mahir Dević*, a *ministar Bašić* je odgovorio na isto.

Prijavljenih za diskusiju nije bilo, pa je predsjedavajući pozvao zastupnike na izjašnjavanje po predloženim odlukama, nakon čega je konstatovao:

a)

SKUPŠTINA JE VEĆINOM GLASOVA (21 „ZA”, 7 „PROTIV“) USVOJILA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINE KANTONALNOG JAVNOG PREDUZEĆA “ZOI 84” OLIMPIJSKI CENTAR SARAJEVO D.O.O. SARAJEVO.

b)

SKUPŠTINA JE VEĆINOM GLASOVA (21 „ZA”, 7 „PROTIV“) USVOJILA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA ZA GOSPODARENJE DRŽAVNIM ŠUMAMA “SARAJEVO-ŠUME” D.O.O. SARAJEVO.

Predsjedavajući je predložio da se zbog uštede na vremenu objedine diskusije za tačke 15, 16 i 17, a izjašnjavanje izvrši pojedinačno.

ZASTUPNICI SU OVAJ PRIJEDLOG PODRŽALI JEDNOGLASNO (27 „ZA“).

Nije bilo prijavljenih zastupnika za pitanja ili diskusiju ni po jednoj od predložene tri tačke, pa je predsjedavajući zamolio zastupnike da pristupe izjašnjavanju po istima, nakon čega je konstatovao:

AD – 15.

SKUPŠTINA JE VEĆINOM GLASOVA (21 „ZA”, 7 „PROTIV“) USVOJILA ODLUKU O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO

AD – 16.

a)

SKUPŠTINA JE VEĆINOM GLASOVA (21 „ZA”, 7 „PROTIV“) USVOJILA ODLUKU O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "RAD" D.O.O. SARAJEVO.

b)

SKUPŠTINA JE VEĆINOM GLASOVA (21 „ZA”, 7 „PROTIV“) USVOJILA ODLUKU O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "PARK" D.O.O. SARAJEVO.

AD – 17.

a)

SKUPŠTINA JE VEĆINOM GLASOVA (20 „ZA”, 7 „PROTIV“) USVOJILA ODLUKU O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA “ZOI 84” OLIMPIJSKI CENTAR SARAJEVO D.O.O. SARAJEVO.

b)

SKUPŠTINA JE VEĆINOM GLASOVA (21 „ZA”, 7 „PROTIV“) USVOJILA ODLUKU O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA ZA GOSPODARENJE DRŽAVNIM ŠUMAMA “SARAJEVO-ŠUME” D.O.O. SARAJEVO.

Tačka osamnaest:

AD – 18.

INFORMACIJA O STANJU UZROKOVANIM POPLAVAMA NA PODRUČJU KANTONA SARAJEVO

Zastupnici su materijal za ovu tačku dobili u dopunskom materijalu.

Uvodno izlaganje podnio je direktor Kantonalne uprave civilne zaštite Samir Džihović.

Pitanja direktoru postavili su zastupnici *Damir Nikšić i Elmedin Konaković*. Prijavljenih za diskusiju nije bilo.

PREDSJEDAVAJUĆI JE KONSTATOVAO DA JE INFORMACIJA PRIMLJENA K ZNANJU.

Devetnaesta tačka:

AD – 19.

IZVJEŠTAJ O POSLOVANJU KJP CENTAR „SKENDERIJA” ZA 2017.GODINU

Zastupnici su materijal dobili uz poziv za sjednicu. Uvodna izlaganja podnio je direktor KJP „Skenderija“ Amer Kapo.

Pitanja za direktora imao je zastupnik Mirza Čelik.

Obzirom da nije bilo prijavljenih diskutanata, predsjedavajući je zamolio zastupnike da pristupe izjašnjavanju o *Izveštaju o poslovanju KJP Centar „Skenderija” za 2017.godinu*.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (28 „ZA”) USVOJILA IZVJEŠTAJ.

Predsjedavajući je konstatovao da su iscrpljene sve tačke dnevnog reda.

Premijer Edin Forto je u svom obraćanju čestitao svim građanima 1. mart - Dan nezavisnosti i pozvao sve zainteresovane na zajedničku proslavu na otvorenom uz prigodan kulturno-zabavni program koji će biti upriličen na Trgu Alije Izetbegovića.

Predsjedavajući je zaključio sjednicu u 18,19 sati.

ZAPISNIK IZRADILA

Lejla Kadrić

Po ovlaštenju

**SEKRETAR
SKUPŠTINE KANTONA SARAJEVO**

**PREDSJEDAVAJUĆI
SKUPŠTINE KANTONA SARAJEVO**

Almira Kulovac Šetkić, dipl. Pravnik

Elmedin Konaković

Sastavni dio ovog zapisnika su stenografske bilješke